

第五三四冊

博物彙編

草木典

麥部

豆部

麻部

稗部

蔬部

藟部

蕒蕒部

菰部

東廊部

巴一四

豐

元一完

豈一毛

三一高

(卷)

古今圖書集成

中華書局影印



欽定古今圖書集成博物彙編草木典

第三十三卷目錄

麥部藝文一

賀麥登狀

謝賜大麥麩狀

皇太子賀嘉麥表

瑞麥賦

瑞麥賦

擬隴西郡開國侯來牟進封關內侯加食邑實

封制

代來牟謝表

溫陶君傳

代蔡州進麥瑞圖狀

陳州瑞麥賦

貽來贊

河南瑞麥頌

瑞麥圖說

瑞麥頌

麥秀兩岐頌

瑞麥頌

碭山瑞麥頌

周侯瑞麥頌

麥秀兩岐記

瑞麥記

瑞麥賦

麥部藝文二

觀刈麥

唐張九齡

前人

崔融

任瓊

高敬庭

宋胡鉞

前人

蘇軾

秦觀

宋祁

陳達叟

元趙允迪

白守忠

明劉基

蔣絳

李東陽

倪民望

周應賓

陳播

李葵

陸深

唐白居易

詠麥種兩岐

詠瑞麥

朝會華章

宮詞

破麥

鴉種麥行

五禽言

遙往泉城穫麥

外孫文九伏中入村懸麥

遲往泉店殺麥

殺麥

打麥

麥苗已有生意掘鳥梗者未止

芟麥歌

刈麥行

次韻秀野滄波館刈麥

屢雪二麥可望喜而作歌

舊麥熟刈者滿野喜而有作

種麥

次韻袁起巖瑞麥

刈麥行

田園雜興

江山道中麥熟

麥

農話

打麥詞

鄭敢

張聿

宋史

王珪

王安石

蘇軾

前人

蘇轍

前人

前人

前人

張舜民

王炎

王禎

戴復古

朱嘉

陸游

前人

前人

范成大

前人

前人

楊萬里

前人

方岳

明宋謙

麥秀兩岐頌

瑞麥圖說

瑞麥賦

瑞麥記

麥部選句

大廟薦麥

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

麥部選句

林儒

張耒

左隱

田園雜興

道真昌

草木典第三十三卷

麥部藝文一

賀麥登狀

唐張九齡

右今日高力士宣垂示臣等皇太子表以嘉麥有成
陛下躬執勞事幸先兆庶皇太子以下繼美聖功臣
間勤于稼穡必有弊麥之慶著在春秋則非他穀之
比伏惟陛下致敬宗廟屬意黎元春郊順時則千畝
在御禁園測候則萬寓皆豐况云立訓天人降尊農
務上靈昭德已開瑞日增輝當夏不疲則有祥雲自
賈是彰敦本之化式旌造物之功人諸在茲天意可
鑒且禹之盡力瘡實用心史冊美談帝王成範未有
休徵神應若斯之盛者也以今况古千載未聞請付
史官天下幸甚

謝賜大麥麩狀

前人

伏以周人之禮唯有籍田漢氏之薦但聞時果則未
有如陛下嚴祇於宗廟勤儉於生人事必躬親動合
天德臣亦何幸近奉徽音又蒙聖恩猥垂錫已飽
於聞義况霑此時差綢繆渥澤未知報効死罪死罪

仍望宣牒史館以示將來

皇太子賀嘉麥表

崔融

臣某言伏見雍州司馬徐慶稱所部有嘉麥一莖六穗纖芒濯露疑因黑壤之宜香稼搖風若吐黃金之色豈非靈心昭應睿德感通降之自天何必來辭之詠嘗之於廟先符孟夏之時凡在含生相趨動色臣謬當居守肅奉宗祧一德兩岐徒設裴君之誅十畝千石方輕汜氏之書仰天意而增歡顧人心而載躍無任嘉忭之至謹附起居使某官某奉表陳賀以聞

瑞麥賦

任瓊

建極惟皇昭錄於光出豫考卜乘時省方西自鄠鎬東巡洛陽順天遊而有農協日得之云長徵賢宜室布政明堂風雨時序黎庶其康盡物稱瑞窮靈委祥明合日月則階蓂恆秀澤及草木而麗麥登芳於是闢離宮通禁苑觀茲瑞之所應實皇恩之燭遠朝任得人時唯賢相九流分職三辰協亮稱堯舜之允敷同益贊而爲唱曰珍瑞麥生我皇國凌寒而秀彰聖之德願載東觀之書以歌南薰之則既而帝曰欽哉天符聿來俾予光於四表惟爾翼於中台念幽芳之遂性知械模之當材且夫麥之爲瑞其德至矣居寒自生當暑薦美含實珠淨耀芒鋒起既標誅於詩人亦稱奇於繹史當其芄芄於野漸漸其秀將嗣穀以登年豈凌霜而不茂在昔唐叔嘉禾伊育昭彼周王天人斯穆今惟聖帝此焉攸淑涵之如春也及晝而繁榮就之如日也來牟而紛郁則有小儒怡然鼓腹照水鏡之光鑒參歷運之題目未登高而賦成庶陳美於金竹者也

瑞麥賦

高敷庭

聖人順動文思欽明天地貞觀品物咸章去憑虛而就安處面周洛而背咸京雲旗電發霜戟林行太陰用事其日在斗萬國來庭百神奔走泉潛動而麥落水益壯而冰厚冠異氣於綠垣吐嘉祥於寒藪不忌風雪全抽兩穗過日月之光華得雲雨之攸利芒纖纖而擢麗葉青青而聳翠同泰谷之移瓊類榆林之因地瑞紀增煥嘉禾異植出天苑以稱奇訪人寰而未識凌玉霜而表勁挺金莖而孤植顧耀穎於年和平室生成於地力倬彼蕭輪其代天工即漢庭之相國類晉室之清通拜殊祥而北首列圖史於南宮紆粹容於有穆冠鴻業而無窮實穎實粟是崇是奉可以爲瑚璉之寶可以爲種陸之種偉長至之馭序同小陽之在候成粒貴於鳥衡覆苗期於雄雉夫瑞也百王之珍事其生也二儀之大德道泰則稱物呈形政乖則羣方皆忒伊小草之何幸逢大人之允塞願均照於離明所作禱於王國

擬隴西郡開國侯來牟進封關內侯加食邑實

封制

宋胡鉞

登寶祈春已課兩岐之最薦名告夏爰疏易地之封於皇孔碩之英貽我泰庸之美穀差吉日穡播飲言隴西郡開國侯來牟外叶坤黃內涵貴白載行于野懷大夫君子之忠斯饗我農成先公風化之業將其來食迄用康年淳沱對釐之時竟能濟業崕嶠跨較之頃遂底休師庸進績於農書復伯忱於寢廟來咨來茹協在公助祭之恭實好實堅相尊祖配天之道爰易隴西之舊壤聿陞關內之新命於嚴雨霽肥磽

中華書局影印

之不齊爾既勉修於人事山川土田之大啓朕其加錫於侯功往服休思勉圖後效可進封關內侯加食邑實封

代來牟謝表

前人

代食維好績愧乏於善收往即乃封思讓叨於登進自天錫命易地祇榮伏念臣桑下枯麥丘中穡苗鬻鬻黃髮老風雪之彫殘嗽嗽素心抱冰霜之潔白生樂國而無鼠苗之感歷元都而有兔葵之思因閑俗於關中輒借階於陛下爰進仲舒之策勿令後時至形武帝之憂詔其益種欲使畝畝應之所皆有春登夏實之資地方慮於不齊意敢希於所報詎期削木之質連蹄沃壤之區茲蓋恭遇皇帝陛下德猶祥雲政如時雨五穀共行萬未平膏沐之權多泰同登播元天和錫之頌課吏奏漁陽之最談兵却新鄭之師以薦廟而勸相農民以問價而選掄使者肆令憚植亦被播種臣敢不小大懷忠艱難陳業誦原野南部之盛已幸富饒歡官室故國之虛尚祈警戒

溫陶君傳

蘇軾

石中美字信美中牟人也本姓麥氏隨母羅氏去其夫而適石因冒其姓始中美之生也其父太卜氏以連山筮之遇師之革曰生乎土成乎水而變乎火坎以輶之坤以布之釜以熟之口以內之腹以藏之美在其中而暢於四支能者樂之以爲大腹不能者傷之以爲心病樂所說也善莫大焉故因以名字之中美幼輕躁疎散與物不合得其鄉人備子之意因使從淦水湯先生游既熟遂陶而成之爲人白晳而長溫厚柔忍在諸石中最有名儲子因泰故司馬錯李

斯子由趙高問樂並薦於秦王得與甫田蔡甲肥鄉羊夷內黃韓音子俱召見是時王方省覽文書日昃未食見之甚喜曰卿等向者在何相見之晚耶未見君子怒如調餽卿等之謂也自是皆得進見充上心腹賜爵土更上食典御旦夕召對所獻納時或蠶疎上未嘗不盡善也秦王以嫪毐事出文信侯而還太后怒志數日不食中美乘機進諫上說賜爵徹侯食溫定陶二縣號溫陶君中美既被任用凡有造作自丞相以下莫不是之其爲人柔和有以塞諫人之口故也他日秦王坐朝日肝意有所思亟召中美將虛以納之中美不熟計以進其說頗剛鯁志不快之者累日有博士單軫說上曰爲其所傷矣宜有以自下之即無患因進其弟子已升元華於上上意稍平然自是遂疎中美不得爲尚食矣中美曰吾爲尚食日夕自謂不素餐者今吾與羊生輩皆不得進縱復有用者將誅辱乎昔也得充心腹而今也遽不信是有不善我之心雖使時或思我彼將不盡矣遂稱疾以侯就第其後子孫生郡郭者散居四方自號渾氏氏索氏石氏爲四族云

代蔡州進麥瑞圖狀

秦觀

勸會本州自春已來屢得雨澤已於某月日具狀奏聞訖今來二麥並已成熟地無高下所收斗斛數倍當年及諸縣節次申送致麥苗有一莖二穗或三穗其多有至五穗者甚多父老等皆云數十年無此豐熟亦未嘗見有麥苗一莖至數穗者以此見臨御以來功化日新利興害去善氣充塞致此嘉應臣待罪郡守目觀其事不敢隱默謹畫成圖于一本隨狀上

進以聞

陳州瑞麥賦

宋祁

冠三輔之上者莫過於陳接五穀之乏者孰先于麥當乘離之令序挺降祥之瑞植盛氣雲鬱混麟熙之初霏密穗金繁動星田之霽色兩岐旁秀六穗井出厥華凡厥類粟果田畝奔告守臣駭觀俾來以圖悉上送官他穀弗書示麥禾之最重吾王攸助知稼穡之維艱北爰采罔即乎力農園中益種無聞於錫祉詎若天極歸昭明神效異借蕃椒之盈升配命禾而合穗迎層宙之休氣冠中田之嘉穀續我於瑞圖辨我於凡菽蒙至尊之渥惠播頌聲于弦次上可以薦清廟之馨品下可以助外饗之食劑

貽來贊

陳達叟

貽我來思玉屑塵細六出飛花天一生水

河南瑞麥頌

元趙允迪

百穀茂兮盈田晴種之微兮惟粹全與生兮火與收覆隴畝兮黃雲秋兩合穎兮三並穗四垂金兮周綴蒂驚野老兮見來未作歌謠兮薦嘉瑞二千石兮其惟良匪監候兮誰可當來賓儂兮躋公堂望北闕兮遙稱觴百拜稽首兮俯伏言巖一人有慶兮萬壽無疆

瑞麥圖說

白守忠

泰定丙寅冬李侯文晦守濟明年夏瑞麥生而劉氏大畧之別墅爲尤異穗有岐而至四五者衆欲上聞侯拒之劉氏乃圖藏於家侯後擢御史終閩海憲副大器亦卒後十又八年侯之子國鳳從劉氏子本得是圖不忍湮沒弗傳濟人將勸勒諸石徵說於余竊

惟休徵嘉瑞其類非一景星慶雲之照乎天甘露醴泉之溢乎地草蓂莢之產乎宮室蓋必有以致之非偶然者若夫禾麥之瑞所關尤重八政食貨爲先孰有過于是哉思文之詩曰貽我來牟帝命率育臣工之詩又曰於皇來牟將受厥明明昭上帝迄用康年蓋麥之成先千五穀可以占豐稔可以濟乏匱是故詩人兩言來牟推原所自必歸乎上帝之命上帝之賜而歎美不已也李侯治政致祥不有厥善久而彌章有子以文雅稱子嘉其志作瑞麥圖說俟名綱濟南人至正癸未歲春三月朔汪澤民書於兗州之寓舍余方居憂客攜瑞麥圖見示一莖至五穗或三四穗詢所自考其年實李公文晦治濟州時也嗟夫留祥之來皆人所致必人事順于下而後天道應于上維我聖元以神化天下公能宣而布之誕而敷之此其感召之著乎箕子曰雨暘燠寒風時之各得其敘則庶草蕃庶此豈特庶草蕃庶乎成王曰至治馨香感於神明此豈非感於神明者乎子思曰致中和天地位焉萬物育焉此豈非中和之所致乎天人之相感精祲之相感微妙而不可測者莫有甚於斯也蓋公愛物之仁出於誠一是以人樂其德神降厥祥嗚呼此豈人力之所能哉後公歿歷景府入拜御史終閩海憲副時去濟七十餘年矣而濟人追慕不已爲之遺愛去思之碑則其德化及人之深可知矣公平昔與先父爲厚余撫卷不覺泣下因謂客曰與其傳諸圖曷若勒諸石以示悠久俾世之懷厥職者有所監戒焉

瑞麥頌并序

明劉基

天厭元德九州糜沸羣猾並作黎民惶惶奔走無路皇帝提三尺劍奮起草萊指顧之間豪傑景附矛鋒所向戰克攻取皇帝心知天意之有在爰舉有衆以與萬姓請命一征而取荆襄再征而清浙江三征而閩海率從四征而席卷全齊五征而定

周及梁遂取秦晉舉燕趙南交北貊東裔西羌海外之邦莫不望風遣使奉朝稱臣拜伏闕廷於是民獲所歸上下神祇咸有依託慶雲甘露海泰祲祥帝心謙抑每謙否居三年五月陝西寶雞縣進瑞麥一莖五穗者一本三穗者二本兩穗者十有餘本蓋自兵興以來王保保據周宋李思齊張思道據秦燕晉趙齊梁之間大豪小猾或憑城郭或聚山寨皆假元爲名分割境土擅兵相攻於是燕晉周齊之地彌數千里連歲無雨百穀不生民相殺食且盡今年夏四月王師奏捷於蘭州朔漠掃清關隴底定天乃大降甘雨滋爲嘉瑞和氣致祥不亦昭哉周頌有曰綏萬邦屢豐年天命匪懈傳者謂商之季年比歲旱荒武王克紂受命而天下遂獲豐年由今觀之信非誣矣漢詔以麥穗兩岐歌其太守之美政則是兩岐之麥所希有而況於三岐以至五岐者哉頌聲之作弗可缺也頌曰神雀赤鳥其羽不可以爲儀紫芝平露其實不可以療饑豈若五穀之爲瑞可以厚民之生豐國之資者哉元夫其鹿天下共逐擾擾紛紛強食弱肉皇天震怒誕命眞主肅將天威以靖區宇騎士如雲猛將如龍發縱指示悉出帝衷遂定西北居民假食品物咸殖爰有嘉麥一本五岐布葉萋萋結實離離既濟既

平先百穀成穰穎揚芒金枝翠英薄彼原田瀚若雲烟望之油油卽之芊芊其種伊何降自穹昊其瑞伊何豐年之兆豐年穰穰頌聲洋洋其始自今奕世無疆

麥秀兩岐頌

蔣綬

芄芄者麥在彼海濱瘠鹵不毛蘇氣蒸薰芄芄者麥在彼湖汴下淖匪宜昭德之侈昭德之侈陰陽順成和氣高節甘雨時零一本兩岐同莖異穎如木理連如蓮蒂並木則美矣何用之施蓮則時矣何療于饑惟麥之頑先百穀成可資可食蓮木斯輕其種伊何上天降康其兆伊何豐年穰穰不知帝力曷報侯德其始自今思慕無斂

瑞麥頌

李東陽

瑞麥頌豐年也和氣旁達嘉麥效祥頌聲作焉以宣上德昭農事也

維田有麥載被其隴既堅既實岐岐總總我場我隴其積如踊皇德斯播於植於動維此瑞麥曰帝之寵維麥在田載耕載穫肥我手足劬我耜鋤以久以朝中心孔昭載拊而誦於歲之秋曰茲豐年維我民勞天監帝德亦念民阻噓以和風渥以甘雨貽我嘉麥及我穀黍維年之祥祈不我拒以徧率土於天之下於天之下末荷皇恩

碣山瑞麥頌

倪民望

聖天子新握乾符敦禮耆碩迎和勸耕下詔正人心儆官邪皇極蕩平察人計吏掄其尤異者召見獎賚風天下以敦善實政得人二十有五碣山王令廷卿與焉豈非希世之奇觀哉令祇懼矢報稱

還省歲事適二麥重穎穡人告瑞有一莖四穗至五穗者三岐兩岐無論焉見者瞿然異之夫碣濱黃河頻罹巨浸胡爲有是哉良以爲之上者協德宣和潛消陰沴故漁陽麥秀之歌復見於芒碣旌異之後詎非當寧寶賢育民之徵應哉昔成王釐戒農官來牟受明吉人藹藹弗祿末康召公以爲車馬禮賢之致我皇上冲齡踐祚志氣清明中外夾輔俾爾爾性庶幾見之今茲麥瑞其至治開先者乎嘗考聖祖統天麥瑞獻於陝之寶雞今碣有寶雞之瑞而莫之獻固盛世臣子憂世之道宜爾也獨可無言以紀之歟拜手稽首偕效歌頌頌曰

惟皇祖肇茲丕基來牟卒育瑞應寶雞受天之祐太史摛詞綿綿豐芑以燕以貽迨我皇上神聖冲資勳民法祖茂衍純禮禮者旌卓百工允釐中外寧謐品彙咸滋瞻茲芒碣大河之涯洪流作沚民用阻飢帝命中丞節鎮撫綏肅肅侍御有美監司循牧承宣惠我烝黎太和薰洽綠溫新苗芄芄者麥載見多岐黃雲在苒翠浪紛披三事成始九穀其宜豐年穰穰帝力何知足民裕國未祚雍熙明明天子萬壽無期

周侯瑞麥頌

周應賓

泰和在宇禎符聯集維茲嘉穀爲上故穎書異畝穗諫兩岐誠貴之也寧海尾閭之墟地確民愆我一二良牧劑量爲之亦三瑞名堂連理名鄉協和萬邦此其一微也已今上御曆惟長吏之是簡西粵曹侯至玉芝兩生其廕記者張其應爲聖明壽比今二十餘稔復有周侯瑞麥之事侯所謂易直子諒者授軍令以人情爲田戴星而作智辨去莠

廉泉溉之馨德有薦亦有神明所默通也歲乙卯會旱曠之災行民羸殘卒侯曰嘻罪在民牧走等龍神跋涉于蒸暑謝雨旋作穰穰告成既喜以名其亭迨丙辰觀還瑞麥生畦間莖岐穗秀漸漸實殷殷野老獻之侯曰置之吾聞上瑞一乳二十亦一穉二米岐麥何爲者若從其類于以兆豐年天作章邑而令敢有之以爲名乎閱諸衙齋已是夏復早零禱如昨霖亦隨之其豐樂可知也繼之往視畦麥依然兩岐矣侯猶抑不自居諸父老苦侯德之不彰余託鄰境匣而傳觀抑以海上外史必能揚挖之耶外史氏曰異哉信哉即未敢迂引思文所貽其樂不支莫可歌乎且芝記有在召父杜母後先以之微獨河潤溉于其鄰維茲嘉願良足爲斯世協和一式化已于是載筆爲頌以歸之侯名維鯤字仲化閩之浦城人其頌曰

遜彼海邑閩風拂挹早魃爲懼游焉歲饑仁侯開濟百爾其疏滯乞龍之靈徒跣而往忽雨平青冥庭碩遂矣于清和之月牟有瑞矣一莖分兩岐護雪房兮露藥滋桑之既樞維于飛伊其農夫之依漁陽復歌仁侯不受厥瑞云何豐年斯告何天之眷亦民之造亢早來連載愁之慮其雨其雨奚獲焉麥之又岐瑞豈偶然曰維屢豐會孫之庾歲事收其馨香發彼鄰亦吳聞頌聲播此匪標之名王國之禎言比嘉禾事觀化成

麥秀兩岐記

陳播

秦和之世風不條鳴雨不塊破膏露瑞雪以時而至靈芝嘉穀隨地而生嘗聞其語矣喜於今驗之一日

肆業靜成齋南莊老人袖一卷徐言曰鄉民有王姓進名者佃予田丁巳之四月忽持兩岐之麥一本數莖者示異於予予自揆謝事之餘何所可致其邑侯牧愛之應乎予宜有記因歷思住古賀諸傳記而知夫麥貽我來牟有邠未嘗以爲瑞也桑下青青南陽亦未嘗以爲瑞也迨漢張堪太守漁陽民有樂不可支之歌始著其爲瑞夫和氣召祥盛德致應老人推建昌黃州嘗蒙旌異其身褒贈其親者乃不自居而以歸之邑侯邑侯自其令崑山吾固熟其有古循吏風幸由高平轉吾邑善政善教不容殫述行雋司風紀大柄用其致此應宜矣但恐亦不自居而以歸之天子天子明聖敬天勤民亦未必自居而以歸之穹昊雖然不居者謙光也上之德終可忘而事之異終可混耶遂筆以記而系之歌老人爲誰別駕吾邑陳公一元也邑侯爲誰名進士慈谿楊公名父也記之者誰鄉進士海虞陳播也歌曰涼風搖波當麥秋飄然雅質非羣流酣酣尚效筵初醉聯翩似學漢濱遊芳塵素與鼠姑迤移根不待金盤貴丘中嫺嫺實同芳桑下煌煌皆並蒂仙娥攜手下蓬山皇英齊駕鳴珮環柴桑金綰駢肩菊湘沅玉挺同心蘭何如一莖九穗古來異兩岐此日真爲瑞香沃畦峒雨露鄉邑迷錦里烟霞地化機闢闢爲鍾奇君侯德化從可知共是資和與沐澤家家率育無愁饑況且西成尤可喜歲歲豐穰自今始聖明天子官循良漁陽豈得專斯美重歌勝事列篇章少答天公呈至祥聖明天子官循良勒諸金石矢弗忘

瑞麥記

李葵

春秋記災異略祥瑞聖人微意也僖公三年六月雨乃大書蓋雨時若則百穀登軍國足民生有需矣攸繫匪輕此聖人所以書之太和演類俗古民將畝田孔無爲中都僻邑正德辛未歲經賊殘毀繼值水患尤戾閏丁丑關中許君世昌吏茲土君通儒也政先仁愛居無幾六事允修嘉慶咸集僻壤則我王畿大地之盛槩可知矣

瑞麥賦有序

陸深

僕閒居田野多見瑞麥兩岐三岐至五六岐彼九岐者得於傳聞始未之見云實有之感茲休禎作賦一篇有頌有美有風有刺義主勸戒附於古詩人之誦諫雖不足以希蹤相如子雲庶東京之流亞也示我同志靡得而布焉

天子正德五祀五月維夏知子焉發下體更新愈有客晤焉登堂三揖乃掀髯吐論曰夫物有異產事有奇遭噉肉者不可與論味豚采者不可與即文闕哉希乎今茲之所親也子足良苦抑未之知乎知子蹶然而起危襟橫几奉客下風曰唯唯願客諒之客曰走故農家五穀是理爰自弱齡勸厥四體今年逾知命而豐穰凡幾一畝三石稂莠吐米皆未若今歲之爲瑞也麥苗凡九挺岐爲二揚芒含穎復爲三四多者五六將將覆地東鄰一莖九岐尤異殆淳和之所薰蒸而上帝用以錫類也周書異畝漢歌兩岐願昔人之諄諄昭后皇之惠慈雖蒙白之翁負元之老皆緣畝玩視相與嗟咨若走者齒髮猶盛涉歷未廣宜乎驚悸而駭隨也知知子仰屋太息索然久之曰否否客何談之盛也夫緣物者貴質數文者適

用且夫鸚鵡之希難以療饑乏之祥難以充庖雲錦之爛難以禦寒蟻蚌之光難以續膏是以聖明抑難得之貨壅不稽之言誠以重本而綏末棄無益而即有用也客幸目睹岐麥津津稱瑞民瘼甚矣果誰之致獨非客之所親見者乎試為客語往歲己巳運厄元元夏耘被壅淫雨注天晝夕閏七颶風相牽海波怒而山立江湖噴以駭奔蛟龍舞於街衢岡阜淪為游淵農戶橫野浮畜蔽川千里一壑萬壑絕烟於是百年之完聚連邑之生全化為魚鼈葬於鯨鱉者始過半矣暨乎水退民失故居滄桑一變形勝都非朱門沈其閭閻碧瓦蕩為丘墟鳥窺巢而不下孤訪穴而重疑號哭振野提負沿途父棄其子妻別其夫相與轉徙乞巧奔逐投依若流星之逼曙而敗葉之辭枯也於是強有力者牢朽材於古岸塞行潦以腐薪依濕林為棟幹綴敗席為闔閭潤爨無別臥食不分什併為五業仇讎相依為命枵腹連旬野無畱菜樹不遺根微幸於萬一苟活於旦昏爾乃積陰鬱結隆冬盛寒層冰千尺竹柏枯乾豈祝融之故都為元冥之停驂何暖履之陽國顧風烈於塞垣民無風具習不素安於是受凍而仆者又如于矢天子方軫念南服融照閭閻發德音大王言貨常賦關四門封簡書於芝檢勸使者於輜軒省大官之供調減司寇之坐論賑倉廩之儲積獨通負之浩繁方將奪民命於溝壑續生氣於遊魂蓋三五之罕有而二氣所不能全之曠恩也良有司方憂經費之不足懼考課之殿後鴻澤持而不下限令疾於電走朝四暮三示一藏九使民破十家之產僅足以輸一家費數畝之田

未足以賦一歌節鼓盈村擾及豚狗爾乃制為嚴刑迨及黃荷巨木囊頭重金繫肘臂無完膚指欲墮手豁擊之填未厭伸暴之門何有於是子遺之民瘡痍之未斃於敲扑困於征科者蓋逾胥以盡漸不可久矣戾氣醞釀蒸為疫癘方且乘陽發騰擴不可制今枕藉而病臥者比比皆是招醫降巫若憤若醉是其凍餒蝕於胃腸刑罰慘其心志發雙伏而並攻何方藥之能治厥禍方萌始未知其所至也使董畝之植一本而十岐共蒂而百穗將安救之而客誇以為瑞哉且菽粟所以貴於珍鼎布縷所以加於元黃者為其有用也今夫用者徒存而用者已亡是謂虛虛而病實忘遠而娛細矣僕竊為客贅而不取也客聞而撫然曰噫嘻有是哉子之迂也信乎執一者未足與權一泥彼者不可與適此子徒鑒於己己之變為流而不止乎是殆滯於陰陽之迹而未深于斯理者也且夫於穆之化闢運不已剝終必復泰因於否吉凶互尋禍福相倚夫蟲之蟻蟻也不屈不發地之隆窪也不伏不起數逆斯通氣順乃死是故九載之水或以成堯七年之旱終以啓禹子豈知夫凶險之後繼之以豐稔登進之漸承之以君子耶然而氣機乘籥必有攸始兆先於物發達伊邇鐘鳴而隕霜礎潤而降雨走誠得於俯仰之餘是以藉近憂而崇遠喜也且夫麥備四氣實首五穀詩人頌其於皇下垺賴以率育續成功於發春函潛氣而多淑是休嘉之先露侯斯理於將復示帝心之仁愛啓方來之祉福諒有開而必繼孰無徵而適獲走且與子託丘壑以優游味皇風之清穆是故有取于麥岐子何責之備而

論之刻邪知知子不能難客乃躡履而退曳杖而歌歌曰麥秀兮多岐覆壘兮疊疊彼其之子曾是分弗思於是知知子返乎潛室沈思淵默緯情縈於渾淪抽端緒於開闢推元化之始終考休咎於遺冊覽春秋之所書測消長於三易道有殊而歸同理既契而心戚然則客之言似亦未為失也將以厥明戒館客循阡陌辨麥岐之疎數聽鄰黨之損益問勸勤於三時弔疾苦於緩急於時風輕景融煙柳霽清謝雕輿却繁縷被大練策溪藤道以童子從以經生指三汧以東驚遵龍江而錢征瞻桑梓于原隰拜松楸于佳城睽海氛於極際傲波浪之奔轟感釣游之舊跡慨歲月之不停嵩里墟之蔓延有孤物而屢更亦浮雲之多態何難樹而易傾恨久寄于異土心戀戀乎故京方徘徊以瞻眺寒彷徨而屏營顧見道左麥穗岐岐本同末異旁無附枝始執戟以競秀竟變變而莫攜將神工之妙合復化鈞之巧持或雙昂以森轟或左右以紛披或越畎而希挺亦共房而駢垂薄長飆以洄洑照圓景而陸離等比翼於異類嗤連理而不為固物薄而稟厚騰榮曜以增奇胡哲人之超軼隨所如而見疑否宜尼之瑞魯匡人怪而圓之比干之忠敗曰不祥而戮尸彼二聖且猶然般罹此又何辭抑軒輊之偶致將彼蒼之有知於是歷覽既倦義取未疲攬厥穎異采掇以歸洵皇澤之淒淒拯黎民於阻飢託子墨以宣祕聊洋洋以陳辭

麥部藝文二詩

觀刈麥

唐白居易

田家少閒月五月人倍忙夜來南風起小麥覆隴黃
婦姑荷簞食童稚攜壺漿相隨餉田去丁壯在南岡
足蒸暑土氣背灼炎天光力盡不知熱但惜夏日長
復有貧婦人抱子在其傍右手秉遺穗左臂懸敝筐
聽其相顧言聞者爲悲傷家田輸稅盡拾此充饑腸
今我何功德曾不事農桑吏祿三百石歲晏有餘糧
念此私自愧盡日不能忘

詠麥穗兩岐

鄭畋

聖慮憂千畝嘉苗萬兩岐如雲方表盛成穗忽標奇
瑞露縱橫滴祥風左右吹謳謠連上苑化日遍平陂
史冊書堪重丹青畫更宜願依連理樹俱作萬年枝

詠瑞麥

張聿

瑞麥生堯日芄芄雨露偏兩岐分更合異祇願仍連
冀復明王慶寧惟太守賢仁風吹靡靡甘雨長芊芊
聖德應多稔皇家配有年已聞天下泰誰爲濟西田

朝會樂章

宋史

芄芄嘉麥擢秀分岐甘露夕灑惠風晨吹農告瑞
循吏稱奇歸美英主折而貢之

宮詞

王珪

六龍觀稼奉宸遊齊賀豐年薦麥秋後苑宴同卿相
出內官金合送來軒

陂麥

王安石

陂麥連雲慘淡黃綠陰門巷不多涼更無一片桃花
在借問春歸有底忙

鴉種麥行

蘇軾

霜林老鴉閒無用畦東拾麥畦西種畦西種得青荷
荷畦東已作牛尾稀明年麥熟芒穰粟農夫未食鴉
先啄徐行俯仰若自矜鼓翅跳踉上牛角憶昔耕
歷山鳥爲耘如今老鴉種麥更辛勤農夫羅拜鴉飛
起勸農使者來行水

五禽言

前人

去年麥不熟挾彈規我肉今年麥上場處處有殘粟
豐年無象何處尋聽取林間快活吟

遜往泉城穫麥

蘇轍

少年食稻不食粟老居穎川稻不足人言小麥勝西
川雪花水磨煮成玉冷淘槐葉冰上齒湯餅羊羹火
入腹五年隨俗處得飽晨朝稻米纔供粥兒曹知我
老且僂觸熱泉城正三伏田家有信呼即來亭午驅
牛汗如浴吾兒生來讀書史不慣田家爭斗斛今年
久旱麥粒細及半罷休饒老宿歸來爛熳煮若耳來
歲未知還爾熟百口且留終歲儲貧交強半倉無穀
外孫文九伏中人村熬麥

前人

春田不再憂無麥入困得半猶足食伏中一膳不得
緩旱田蒼耳猶難得人言春旱夏當潦人伏未保天
日好老農經事言不慮防風防雨如防盜

遲往泉店殺麥

前人

罷民不耕穫豈利有攸往古人爲我言許此亦無妄
一冬免鋤犁二麥盈囊益火老金尚伏雨過築塲壤
鄰家助伯亞蒼耳割榛春朝陽得終日經歲可無恙
老夫終病慵長子幸可仗劬勞慎勿厭耕佃家共享
秋田雨初足已作豐熟想歸來報好音相對開臘臘
殺麥

前人

麥幸十分熟雨過三日霽初晴尚未伏半夜卷重陰
細築塲無隙輕推磨有音驚聞諸縣水一晷直千金
又

雨後麥多病廣中蛾欲飛不辭終日暑幸脫千年饑
潦木來何暴秋田望已微農夫愚可念此報定誰非

打麥

張舜民

打麥打麥彭彭魄魄聲在南山應山北四月太陽出
東北纔離海嶠麥尚青轉到天心麥已熟犕日催人
夜不眠竹雞呼雨雲如墨大婦腰鎌出小婦具筐逐
上塲先持青下塲已成束田家以苦乃爲樂敢憚頭
枯面焦黑貴人薦廟已嘗新酒醴雍容會所親曲終
厭低勞僮僕豈信田家未入唇盡將精好輸公賦大
把升斗求市人麥秋正急又秧禾豐歲自少凶歲多
田家辛苦可奈何將此打麥詞兼作插禾歌

麥苗已有生意掘烏稔者未止

王炎

兒童飯糲女採桑水滿東臯耕事忙稻秧半綠麥半
黃天許食新饋粥香田父咨嗟仍笑語赤地一年今
得雨紫蕨有根妻子喜兒填溝壑壑間里

艾麥歌

王禎

田家食力不食智耕麥年年勤種時老農八十諳地
利暑夏呼兒先曠地再耕再耨土華賦手把耒耜知
已試土沃不妨投種概今年已報春澤被夏楚苗深
如櫛比薰風長養見天意獵獵青旗催催穉穗結穉
胞花雪壓赫赫赫輪轡鐵鑿鑿耨耨耨結結結穉
芒森密如簪頓失前時浪翻翠豈知真辛調元氣化
作黃雲表嘉瑞老農眼飽雖自慰旦夕却憂風雨至
子婦奔忙事艾器彰彰翻翻轉轉雙臂曳龍腰開盈復

棄急載牛箱夜無寐轉首登場簇高積風翻日碾牛
猶未已向公門奉新餽餉材和糴凡幾大年餉巡門
仍語諄夏稅有程今反易自餘宿負如取寄指此有
秋爭蠟萃一得豈能償百費終歲勤勞一獻歉昨日
公堂宴賓貴樽俎橫陳混有藏檀板珠繩按歌吹萬
錢不值供一醉庖人掇揀出精粹尚喜食新誇餅餌
物不天來皆力致飽食何人知所自春祈夏薦禮所
記報本從來追古義但願斯民不具吏吏不擾民
自遂凡在牧民遵此治坐見兩岐歌政異日富困倉
均被賜不使老農憂歲事

刈麥行

戴復古

腰鎌上壘刈黃雲東家西家麥滿門前村寡婦拾滯
穗饑粥有餘炊餅餌我聞淮南麥最多麥田今歲屯
千戈飽飯不知征戰苦生長此方真樂土

次韻秀野澹波館刈麥

朱熹

貽牟夙昔但聲歌今見郊園樂事多且喜觀簪符善
禱未須蘆蕩蟻妖娥震鵬政自誇真一香鉢何須問
畢羅我欲賣刀來學稼不知還許受農麼

屢雪二麥可望喜而作歌

陸游

苦寒勿怨天雨雪雪來遣我來年麥三月翠浪舞東
風四月黃雲暗南陌坐看比屋騰歡聲已覺有司寬
吏責腰鎌丁壯傾閭里拾穗兒童動千百玉塵出磨
飛屋梁銀絲入釜須寬湯寒醅發劑炊餅裂新麻壓
油寒具香大婦下機廢晨織小姑佐庖忘晚粧老翁
飽食笑捫腹林下擊壤歌時康

蒼麥熟刈者滿野喜而有作

前人

城南城北如鋪雪原頭家家種蕎麥霜晴收斂少在

家餅餌今冬不憂牽胡麻壓油油更香油新餅美爭
先嘗獵歸熾火燎堆兔相呼置酒喜欲狂陌上行歌
忘惡歲小婦紅粧穗替髻詔書寬大與天通逐熟淮
南幾誤計

種麥

前人

舉地播宿麥飯牛臨野池未能食佛日正恐失農時
矻矻鋤耨力勤勤視史詞嘉平得三白吾飽豈無期
大韻袁起巖瑞麥

此麥兩岐已黃熟其間又出一青枝亦已秀實傳

范成大

記所未載也

民和神福固其宜况有仁先四者施吳稻即看收再
熟周牟先已秀雙岐薰風牛老黃金穗梅雨重春綠
玉枝樂不可支聊發詠田間日日是芳時

刈麥行

前人

菊花開時我種麥桃李花飛麥薹碧多病經旬不出
門東坡已作黃雲色腰鎌刈熟趁晴歸明朝雨來麥
沾泥犁田待雨插晚稻朝出移秧夜食粃

田園雜興

前人

高田二麥接山青傍水低田綠未耕桃杏滿村春似
錦踏歌椎鼓過清明

江山道中麥熟

楊萬里

黃雲割露殘肩歸紫玉炊香一飯肥却破麥田秧晚
稻未收水枯臥斜暉

麥

前人

無邊綠錦織雲機全幅青羅作地衣個是農家真富
貴雪花消盡麥苗肥

農諺

方岳

春雨初晴水拍堤村南村北鵲鳴啼含風宿麥青相
接刺水桑秧綠未齊
小麥青青大麥黃護田沙徑遶羊腸秧畦岸岸水初
飽塵甌家家飯已香

大麥毒行

明宋濂

任生累葉居章丘僮妾指千百馬牛文軒綵閣插雲
上脆管繁弦邀客畱閒時好把道書讀日咬湯餅無
時休一朝陰威忽仆地六脈隱約如蝦游移時聞齋
拂衣起喜氣入面輕黃浮自言恍惚有奇遇不超來
耕觀十洲初逢一身臥空曠手足僵動無寸柔大神
持刀剖心腹洞見十二仙家樓紅光眩眼視閃爍後
先楹戶皆朱棹絳衣女子導以入手執幢前懸銀流
入宮升殿謁女主美艷可使春花愁驚鴛鴦曳精珮映
玉芙蓉仍插金搔頭五明扇遮九龍座珍珠簾掛珊瑚
鉤分班就坐未及語有勅大官催進羞須臾水陸
盡交錯玉盤疊堆紅紅虬女樂翻翻次第舉揚爭彈
瑟鳴笙簇簇燕罷瑤階月初轉餘情不斷魚舍鉤紫州
小姑連錢別陽春一曲翻新謳隱雷作聲忽驚覺却
厭人世眞蜉蝣若非名登九天籍安得俗駕攀眞僑
室中宴坐絕羣血局鑄不許他人抽或爲妍唱感異
類水禽山雀爭喧啾如斯歲發至六七曾怨闕遠難
冥搜家人共怪狐鬼惑握粟出卜城南頭巫醫迭進
獻方技何異白石江水投相里先生來自陝繼目入
餐清於秋腰懸藥壺大如斗吐言便覺冰生喉且云
併中大麥毒陰氣不決爲人尤必須陽精可制勝驅
逐惡厲誅陰會嵩嶽丹砂我獨得迎陽搗就光油油
便烹蘆菹和爲液祛疾有同鷹脫鞵三齋七戒始敢

服服後所見非前伴侍臣朱裳多故惡執樂不作含
添憂再服戶櫺皆變白素衣對泣聲伊優三服宮闈
鼓且側左右紛亂如驚鵲女主戎裝急奔竄上車歷
錄行荒陬迅遶一聲前殿火虛燄四射森戈矛自茲
神觀漸復舊方與人事通網繆嗚呼我人最靈貴一
爲病疊忘身謀孰知無病亦顛倒沈蝕聲利甘拘囚
紛紛白晝混人鬼老死竟不分薰蕕當持六經鍊爲
藥盡療天下蒼生瘼

打麥詞

高啓

雄雞高飛夏風暖行割黃雲隨手斷疎莖短若牛毛
垂去冬無雪不相疑塲頭負歸日色白穗落連柳聲
拍拍呼兒打曬當及晴雨來怕有飛蛾生臥驅鳥雀
非愛惜明年好收供爾食

麥秀兩岐頌

林儒

我聞張堪爲令時田中有麥秀兩岐漁陽民樂不可
支清風千載歌謠詞又聞岐州魏刺史異政昭昭播
遐邇來年五穗同一莖頌聲洋洋猶在耳鄧侯本是
瀘州仙前年作宰來琴川比及三年德化宜上安下
順無尤愆會將三白占臘前今茲美麥非偶然儲祥
孕秀來自天疑疑臨風共相倚擊垂雨齊無偏一
莖今兩穗西陌兮東阡黃雲漠漠兮遙相連上天有
意活民命四郊百姓歌豐年靈芝五色不足數嘉禾
同穎疑並傳鄧侯侯仁且賢名與張魏爭後先今
將述職朝天去天官考最須超遷瑞麥之歌止于此
愧無巨筆如長椽

瑞麥嘉禾頌

李三友

野有麟兮麟有角麟角雖可珍何如一莖雙穗麥與

穀穫之穫之萬民無枵腹餒首頓足何以爲祝豈弟
君子萬年遐福

又

野有鳳兮鳳有訓鳳雛雖可珍何如一莖雙穗穀與
麥穫之穫之萬民無菜色舉手加額何以報澤豈弟
君子斯男則百

瑞麥嘉禾吟

張朱明

君不見漁陽太守張堪麥秀分芒相絡繹又不見
中牟仙吏魯恭禾聯跗共蒂兩婆娑奇蹟當年各一
爾千載猶能馨青史何况如今一歲中諸漢次第見
芳叢翠浪重重翻夏日金莖落落輝秋風倚歎嘉瑞
豈徒然爲有神君是呂虔當衙必韻流雋尾行部藩
花照錦轡瑞鳳祥麟公可伍休徵所以致阿堵願得
令公常似公寧愁穀賤不如土

瑞麥歌

左傑

頌嘉靖二十八年恩縣學東瑞麥
卓哉后稷心怛惻拉我蒸民賴爾極儒官容與誇周
頌感激亦知勤稼穡春杪甘霖應肅時貝丘沃土悉
含滋泮池瀾瀾凝佳氣半麥幃幃秀兩岐薰風鼓盪
黃雲結披香正是朱明節充箱粟果慶豐年薦熟浮
浮翻玉屑憶昔成王不敢康三穗一莖信爲祥當今
天子重農扈明明上帝錫遐昌君不見竭去髦士富
文史恭承嘉運從茲始定有異才際飛龍出人蓬萊
唐喜起

麥浪

申時行

芄芄秀色挺來牟片片黃雲似水流風作跳波時隱
見雨添新漲乍沈浮晴畦錦漾千層澱寒隴清生四

月秋却怪狂瀾頻起陸漫攷文偉賦中收
太廟薦麥

董其昌

閭宮朝啓肅精禋御近來牟及薦新九葉靈光開大
曆雙岐瑞頌獻昌辰風迴玉几馨先稷嘉稟金莖潔
似穎一自寢園新報後於皇清頌遍周民

麥部選句

漢枚乘七發麥秀漸兮雉朝飛
魏黃觀疏今年麥苗雖好臨熟多雨而悉復偃壞小
麥略盡惟穰麥大麥頗得半收耳
晉潘岳射雉賦麥漸漸以耀芒
宋謝朓詩麥候始清和
齊王僧達詩麥隴多秀色
邢昺詩風輕麥候初
周庚信詩麥隨風裏熟
陳江總詩麥氣涼昏曉
唐李嶠詩瑞麥兩岐秀
盧從愿詩薈草起麥涼
張謂詩秋風麥穗黃
蕭穎士詩麥秋田野喧
王維詩雉鳴麥苗秀
李白詩荊州麥熟鵲成蛾又麥隴青青三月時
杜甫詩白屋花開裏孤城麥秀邊又山田麥無隴春
氣晚更生又崆峒小麥熟又微麥早向熟又細麥落

輕花又青焚陵陂麥又涼州白麥枯
儲光義詩麥涼浮隴雉媒低

柳宗元詩麥芒際天搖青波

韓愈詩南陽郭門外桑下麥青青又暖風抽宿麥

孟郊詩麥風清冷吹

李賀詩麥雨漲溪田又野家麥畦上新塋

白居易詩四月未全熟麥涼江風秋又岐秀麥分花

又獨出門前望野田月明蕎麥花如雪

元稹詩年年四五月實麥小秋

司空圖詩綠樹連村暗黃花入麥稀

溫庭筠詩日暮鳥飛散滿山蕎麥花

張翥詩麥深藏堆

朱慶餘詩麥風吹雨正徘徊

薛逢詩晚麥芒乾風似秋

薛能詩鄰鷺麥野聞雞雉

杜荀鶴詩高下麥田新雨後又分開野色收新麥

宋韓琦詩雲鋪蕎麥花漫野

夏竦詩似法陰爻呈六穗或符陽數效三岐

石介詩使麥長熟人不饑敢告吾君不須赦又麥宜過社猶催種

歐陽修詩四月田家麥穗稠

王安石詩無端隴上脩脩麥橫起風寒占作秋又晴日暖風生麥氣又麥漲一溪雲

范純仁詩潤催隴麥將黃節寒阻春蠶起早眠

蘇軾詩登城望平麥綠浪風掀舞又夏旱隴麥人

麥熟旋供湯餅新

唐庚詩睡外莫聽泥活活想中已睹麥含含又雀飛

田有麥

汪藻詩麥隴如人深

王阮詩麗日借黃催麥隴

戴敏詩頗動詩人興滿園蕎麥花

范成大詩麥裏綠莢高又麥雨一犁隨處綠又青黃麥隴平平去又落日青山都好在山間蕎麥滿芳洲

陸游詩但見古河東隴麥如鋪雪又京塵日念家山樂兒值腰鎌割麥初又雨畏木頭蒸耳出潤憂麥粒

化蛾飛又已過西成賽廟期家家下麥不容遲又壓車麥穗雲卷食葉蠶聲白雨來又山村處處晴收

麥鄰曲家家午曬絲又鵲熟山僧分餽船來溪友餉新榜又水面秧青麥半黃又雪花漫漫麥將熟又土膏動後麥苗長又滿村蕎麥正離離又暖日暉暉

秀蕎麥又未收蕎麥怯新霜

楊萬里詩紅紅白白花臨水碧碧黃黃麥際天

危禎詩麥風翻隴溢濃綠花露滴枝黏老紅

吳潛詩吳波亭下擊扁舟輕雨輕寒又麥秋

盧贊元詩麥秋天氣朝朝變蠶月人家處處忙

戴復古詩梯山畦麥秀又鐵磨鳴時大麥黃

黃公度詩晴添麥隴黃又乍寒乍暖麥秋天

譚知榮詩麥隴風來翠浪浮

金王渥詩穀雨連朝沒麥場

宇文虛中詩彌隴連天麥浪寒

麻九疇詩野黃麥初割畦綠蔬纔灌又筍輿歸路麥花香

元好問詩一犁春雨麥青青又灑灑蒼波麥已勻

王元粹詩青青道邊麥知是誰家田

吳激詩風雨麥秋寒

王良臣詩蕎花冉冉蜜脾香

元方夔詩山田麥苗肥

方回詩夏前十日嘗新麥

耶律楚材詩萬頃青青麥浪平

馬祖常詩滋麥春膏覆隴齊

謝應芳詩天假春晴養麥苗

袁桷詩土沃村村麥

貢奎詩路轉滿川蕎麥花

欽定古今圖書集成博物彙編草木典

第三十四卷目錄

麥部紀事

麥部雜錄

麥部外編

草木典第三十四卷

麥部紀事

路史黃帝有熊氏命庸光辨乎南以爲司徒而正夏種芒穀謂南種小麥赤又大封辨乎西以爲司馬種蓮穀謂西種白麥金穀故秋種夏死汲冢周書維四年孟夏王初祈禱於宗廟乃嘗麥于太祖

史記微子世家箕子朝周過故殷虛感宮室毀壞生禾黍箕子傷之欲哭則不可欲泣爲其近婦人乃作麥秀之詩以歌詠之其詩曰麥秀漸漸兮禾黍油油彼狡僞兮不與我好兮所謂狡僞者紂也殷民聞之皆爲涕泣

穆天子傳天子西征至於赤烏之人獻麥百載天子西征至于鴉韓氏爰有樂野溫和稌麥之所草音

黑水之阿爰有野麥

左傳隱公三年夏四月鄭祭足帥師取溫之麥秋又取成周之禾

管子輕重乙篇桓公曰寡人欲毋殺一士毋頓一戟而辟方都二爲之有道乎管子對曰涇水十二空汶淵沫涇滿三之於乃請以令使九月種麥日至日穫則時雨未下而利農事矣桓公曰諾令以九月種麥日至而穫量其艾一收之積中方都二故此所謂善因天時辨於地利而辟方都之道也

公羊傳莊公六年秋無麥苗無苗則曷爲先言無麥而後言無苗一災不書待無麥然後書無苗穀梁傳莊公二十八年冬大無麥禾大者有顧之辭也於無禾及無麥也

左傳成公十年晉侯夢大厲被髮及地搏膺而踊曰殺余孫不義余得請于帝矣壞大門及寢門而人公懼入于室又壞戶公覺召桑田巫巫言如夢公曰何如曰不食新矣公疾病求醫於秦秦伯使醫緩爲之未至公夢疾爲二豎子曰彼良醫也懼傷我焉逃之其一曰居肅之上膏之下若我何醫至曰疾不可爲也在肅之上膏之下攻之不可達之不及藥不至焉不可爲也公曰良醫也厚爲之禮而歸之六月丙午晉侯欲麥使甸人獻麥饋人爲之召桑田巫示而鼓之將食張如廁陷而卒

孔子家語宓子賤爲單父宰齊人攻魯道由單父單父之老請曰麥已熟矣今齊寇至不及人人自收其麥請放民出皆獲傳郭之麥可以益糧且不資於寇三請而宓子不聽俄而齊寇逮於麥季孫聞之怒使人諫宓子曰民寒耕熟耘會不得食豈不哀哉不知猶可以告者三而子不聽非所以爲民也宓子蹙然曰今茲無麥明年可樹若使不耕者穫是使民樂有

寇且得單父一歲之麥於魯不加強費之不加弱若使民有自取之心其創必數世不息季孫聞之赧然而愧曰地若可入吾豈忍見宓子哉漢書食貨志董仲舒說上曰春秋他穀不書至於麥禾不成則書之以此見聖人於五穀最重麥與禾也今關中俗不好種麥是歲失春秋之所重而損生民之具也願陛下幸詔大司農使關中民益種宿麥令母後時注師古曰宿麥謂其苗經冬

博物志漢武帝時光陽縣雨麥拾遺記宣帝地節元年有背明之國來貢其方物有延精麥延壽益氣有昆和麥調暢六府有輕心麥食者體輕有醇和麥爲鞠以釀酒一醉累月食之凌冬可租有合露麥種中有露味甘如飴

後漢書光武本紀詔曰久旱傷麥秋種未下朕甚憂之馬異傳王郎起光武自薊東南馳至南宮遇大風雨光武引車入道傍空舍光武對竈燎衣異進麥飯菟肩困復度摩沱河

高鳳傳鳳少爲書生家以農畝爲業而專精誦讀晝夜不息妻嘗之田曝麥於庭令鳳護雞時天暴雨而鳳持竿誦經不覺潦水流麥妻還怪問鳳方悟之後遂爲名儒

范冉傳冉與王奐親善奐爲考城令屢遣書請冉冉不至及奐遷漢陽太守將行冉乃與弟協步齋麥酒於道側設壇以待之井丹傳丹性清高未嘗修刺候人建武末沛王輔等五王居北宮皆好賓客更遣請丹不能致陰就以外

戚貴盛乃說五王求錢千萬約能致丹而別使人要劫之丹不得已既至就故為設麥飯葱葉之食丹推去之曰以君侯能供甘旨故來相過何其薄乎更致盛饌乃食

張堪傳堪拜漁陽太守百姓歌曰桑無附枝麥秀兩岐張公為政樂不可支

東觀漢紀第五倫免歸田躬與奴共發棘棘田種麥董宣為洛陽令卒官詔遣使視唯見布被覆妻妾子對哭有大麥數斛

鄧禹平三輔糧之王丹上麥二十斛禹高其節義表丹領左馮翊

續漢書平續為南陽太守妻與子祕俱往郡舍牆門不納妻自將祕行其資藏惟布衾弊襦鹽麥數斛三國志太祖本紀注太祖常出軍行糧麥中令士卒無敗麥犯者死騎士皆下馬付麥相持於時太祖馬騰入麥中勅主簿議罪主簿對以春秋之義罰不加於尊太祖曰制法而自犯之何以帥下然孤為軍帥不可殺請自刑因援劍割髮以置地

秦子孔文舉為北海相有母病思食新麥家無乃盜鄰熟麥而進之文舉聞之特賞曰不必來謝但勿盜也盜而不罪者以為勤於母也

英雄記呂布令韓暹楊奉取劉備地麥以為軍資諸葛恪別傳孫權嘗蜀使費禕禕停食餅索筆作麥賦恪亦請筆作磨賦咸稱善焉

三國典略李岳為門客所說舉錢營生廣收大麥載赴晉陽候其寒食以求高價清明之日其車方達又從晉陽載回鄴城路逢大雨並化為泥息利既少乃

至貧迫當世人士莫不笑之

搜神記嘗輅行至南陽平原見一少年在田中割麥輅歎曰兒壽多是天亡汝卯日往割麥地南大桑樹下有二人圍棋汝但將酒脯致于前他自飲之飲盡便謝以盡為度若問汝汝但拜之慎勿言必合有人救汝也

集仙傳王老舉道行道士遍身瘡瘍曰得酒浸之老為置酒滿甕道士坐甕中三日鬚髮皆黑曰飲此可仙時方打麥飲之忽輕舉空中猶聞打麥聲

晉書食貨志元帝太興元年詔曰徐揚二州土宜三麥可督令蠲地投秋下種至夏而熟繼新故之交於以周濟所益甚大昔漢遣輕車使者汜勝之督三輔種麥而關中遂穰勿令後晚其後頻年麥雖有旱蝗而為益猶多

王褒傳哀家貧躬耕計口而田度身而蠶或有助之者不聽諸生密為刈麥哀遂棄之

苻健載記京兆杜洪竊據長安自稱晉征北將軍雍州刺史戎夏多歸之健密圖關中懼洪知之乃偽受石祇官繕宮室於枋頭謀所部種麥示無西意有知而不種者健殺之以徇

庾哀傳哀母終服喪居於墓側歲大饑黎羹不糲門人欲進其飯者而哀每曰已食莫敢為設及麥熟獲者已畢而採招尚多哀乃引其羣子以退日待其間及其括也不曲行不旁振跪而把之則亦大獲

五行志王恭鎮京口舉兵誅王國寶百姓謠云昔年食白飯今年食麥粳天公誅譴汝救汝拾噉喉喉喉嗚復嗚京口敗復敗識者曰昔年食白飯恭得志也

今年食麥粳粳穢其精已去明將敗也天公將加譴誅而誅之也拾噉喉氣不通死之祥也敗復敗丁

軍之辭也恭尋死京口又大行欬疾而喉並喝焉大和末童謠曰犁牛耕御路白門種小麥及海西公被廢百姓耕其門以種小麥遂如謠言

述異記晉末嘉州雨七旬麥化為飛蛾元晏春秋衛倫過子言及於味稱魏故侍中劉子陽食餅知鹽生精味之至也子曰師曠識勞薪易牙別淄通于陽今之妙也定之何難倫因命僕取糧糗以進子曰麥也有否李奈味三果之熟也不同子焉得兼之倫笑而不答退告人曰士安之識過劉氏吾將來家實多故杏特將發糗以杏汁李奈將發又糗以李奈汁故兼三味

陳留耆舊傳高式至孝末平中蜂蝗為災獨不食式麥

西域諸國志天竺十一月六日為冬至則麥秀十二月十六日為臘則麥熟

拾遺記張華為九醞酒以三薇清麴藥出西羌鞠出北方北方有指星麥四月火星出麥熟而穫之藥用水漬麥三夕而萌芽平旦雞鳴而用之俗人呼為雞鳴麥以之釀酒醇美久含令人齒動若大醉不叫笑搖蕩令人肝腸消爛俗人謂為消腸酒

前秦錄苻健聞桓溫之來伐也芟麥以待之故溫掠無所得軍人大饑

新羅王遣使貢其方物在百濟東去長安九千八百里其人食麥

前涼錄末嘉三年嘉麥一莖九穗生於姑藏

張駿九年雨稼穀於武威燉煌種之皆生因名天麥博物志近世有田夫至巧而不自覺也其婦稱之猶不自信乃刻木爲麥入市耀之糴者無疑歸磨乃覺非麥

宋書符瑞志晉武帝太康十年六月嘉麥生扶風郡一莖九穗是歲收三倍

南齊書世祖本紀永明四年夏四月臨沂縣麥不登刈爲馬芻至夏更苗秀

劉懷慰傳懷慰爲齊郡太守修治城郭安集居民墾廢田二百頃決沈湖灌漑不受禮謁民有餉其新米一斛者懷慰出所食麥飯示之曰且食有餘幸不煩此因著廉吏論以達其意

庾易傳易志性恬隱不交外物臨川王映臨州獨重易上表薦之餉麥百斛易謂使人曰民樵採麋鹿之伍終其解毛之衣馳騁日月之車得保自耕之祿於大王之恩亦已深矣辭不受

梁書任昉傳昉爲義興太守在任清潔兒妾食麥而已

陳書徐孝克傳孝克爲散騎常侍侍東宮陳亡隨例入關家道壁立所生母患欲糴米爲粥不能常辦母亡之後孝克遂常噉麥有遺糴米者孝克對而悲泣終身不復食之焉

南史吳明徹傳明徹有粟麥三千餘斛而鄰里饑餓乃白諸兄與鄉里計口平分同其豐儉賴以存者甚衆

孝義傳沈崇係母卒葬後更行服三年入食麥屑不噉鹽酢

魏書樊子鵠傳子鵠除殷州刺史屬歲旱饑子鵠恐民流亡乃勒有粟之家分貸貧者井遣人牛易力多種二麥州內以此獲安

釋老志東萊人王道寬少有絕俗之志隱韓信山四十餘年斷粟食麥

水經注汶水入萊蕪谷出谷有平丘面山傍水土人悉以種麥云此丘不宜植稷黍而宜麥齊人相承以植之

北齊書王業傳業遷東郡守以寬惠著其年麥一莖五穗其餘三穗四穗共一莖合郡人以爲政化所感隋書張文詡傳文詡每以德化人鄉黨頌移風俗嘗有人夜中竊刈其麥者見而避之盜因感悟棄麥而謝文詡慰諭之自誓不言固令持去經數年盜者向鄉人說之始爲遠近所悉

唐書許敬宗傳高宗即位敬宗爲弘文館學士帝將立武昭儀大臣切諫而敬宗陰揣帝私即妄言曰田舍子臘糴十斛麥尚欲更故婦天子富有四海立一后謂之不可何故帝意遂定

舊唐書高宗本紀儀鳳三年五月幸九成宮秋七月宴近臣諸親於咸亨殿上謂霍王元軌曰去冬無雪今春少雨自避暑此宮甘雨頻降夏麥豐熟秋稼滋榮

元宗本紀上自於苑中種麥率皇太子已下躬自收穫謂太子等曰此將薦宗廟是以躬親亦欲令汝等知稼穡之難也因分賜侍臣謂曰比歲令人巡檢苗稼所對多不實故自種植以觀其成且春秋書麥禾豈非古人所重也

天寶三載三月武威郡上言番禾縣天寶山有醴泉湧出窟石化爲瑞祥遠近貧乏者取以給食改番禾爲天寶縣

唐書劉禹錫傳禹錫由和州刺史入爲主客郎中復作遊元都觀詩且言始謫十年還京師道士植桃其盛若霞又十四年遇之無復一存唯兔葵燕麥動搖春風耳以詆權近

杜陽雜編元和八年大軫國貢碧麥紫麥碧麥大於中華之麥粒表裏皆碧香氣如粳米食之體輕久則可以御風紫麥有類荳勝炊一升得飯一斗食之令人髮髮黑顏色不老久則後天不死上因中元日薦於元元皇帝故當時道士有得食者

唐國史補竇氏子言家方盛時有奴厚斂羣從數宅之資供白麥麪醫云白麪性平由是恣食不疑凡數歲未嘗生疾其後有奴告其謬妄所輸麪乃常麥非白麥也羣從諸宅一時暴熱皆發

雲仙雜記牛僧孺進士時嘗麥芒刁子有繆誤隨手刪割點定

無棟有灰山山南有石竅其中二麥無數取之不極孔帖同昌公主出降賜金麥銀米共數斛此皆條枝國獻

高昌土沃麥皆再熟梁宋州節度使友諒進瑞麥一莖三穗太祖怒曰宋州大水何用此爲

五代史回鶻傳回鶻地宜白麥青麥饒麥遼史聖宗本紀統和二十年十一月南京平州麥秀兩岐

宋史五行志乾德四年四月府州尉氏縣雲陽縣並有麥兩岐五月魚臺縣麥秀三岐

開寶八年五月鄭州梓州合州巴州縣並獻瑞麥太平興國三年四月夏縣五月舒州六月閬州麥並秀兩岐

五年九月流溪縣六年五月汝陰縣九年五月施州麥並秀兩岐

端拱元年五月陳州淳化元年四月魏城縣七月閬州二年四月蔡州五月陳州陵州仁壽縣四年五月

達州五年四月末城縣並獻瑞麥至道二年五月泗州獻瑞麥

三年四月唐州遂州盤石縣並獻瑞麥五月黃州建昌軍麥秀二三穗

咸平元年五月曲水縣麥秀二三穗二年五月華州麥秀二三穗

三年五月鄭縣海陵縣並麥秀二三穗大中祥符元年曲水縣南鄭縣並麥秀二三穗

三年四月同州麥秀二三穗四年四月六安縣麥秀二三穗五月唐汝廬宿泗濠州麥自生

五年四月遂州麥秀兩穗或三穗六年二月邕州麥秀兩穗或三穗

七年三月鄆城縣麥秀兩穗三穗八年湖陽縣麥秀兩穗三穗

九年四月建初縣麥秀兩穗或三穗乾興元年五月南劍州麥一本五穗蘇州麥秀兩岐

天聖六年五月乙未陳州瑞麥一莖二十穗六月陳

州獻瑞麥圖

皇祐三年五月彭山縣上瑞麥圖凡一莖五穗者數本帝曰朕嘗禁四方獻瑞今得西川秀麥圖可謂真瑞矣其賜田夫束帛以勸之是月滁州麥一莖五穗

五年閏六月資州麥秀兩岐至和二年五月亳州麥秀兩岐六月應天府貢大麥一本七十穗小麥一本二百穗

嘉祐三年六月歸州麥一穗兩岐七月泰山上瑞麥圖凡五本五百一穗

四年六月彰明縣有麥兩岐百餘本熙寧八年懷安軍瀘州渠州各麥秀兩岐

九年譙縣麥一本三穗尉氏縣湖陽縣彭城縣麥一本兩穗渠州大麥一穗兩岐或三岐四岐者陽翟縣

麥秀兩岐天興寶雞二縣皆麥秀兩岐仍一本有三四穗或六穗者石州安州麥秀兩岐

元豐元年邢州麥秀兩岐夔州麥一本三穗二年簡州安德軍麥秀兩岐

三年涪州麥秀兩岐或三四穗凡四十畝眉州麥秀兩岐

四年徐州麥一本百七十二穗七年合州麥秀兩岐

八年亳州麥一莖二穗一莖三穗一莖四穗元祐三年劍州安國軍麥秀兩岐夔州麥一本十二穗

四年泰寧軍麥異畝同穎五年普州麥一莖雙穗夔州麥秀五岐

六年汝陽縣美原縣兗州鄆縣麥一莖數穗

七年固始縣麥有雙穗定陶縣丹陽縣麥秀兩岐紹聖元年博野縣麥一本五穗漢陽軍麥秀兩岐樂壽縣麥一本兩穗或三穗

三年瑕丘縣武陟縣陝城小溪四縣麥合穗良原縣沈丘縣長子縣麥秀兩岐

四年河中府麥秀三穗虹縣雲安縣麥秀兩岐茂州一枝兩穗汶山縣一枝三穗至六穗

元符元年內鄉縣麥一莖兩穗符離靈璧臨潼新虹五縣麥秀兩穗兩當縣麥秀三穗安平縣生瑞麥

二年連水軍麥合穗十一月岷州宕昌崇生瑞麥大觀二年簡州麥秀兩岐

三年武信軍瀘州麥秀兩岐四年蔡州麥一莖兩岐至七八岐者九十畝

政和元年蔡州麥一莖兩岐或三五岐至八九畝近約十畝遠或連野

禮志太宗太平興國三年四月親刈麥九年五月二日出南薰門觀稼召從臣列坐田中令

民刈麥咸賜以錢帛同幸玉津園觀漁張樂習射既宴而歸明年五月幸城南觀麥賜田夫布帛有差

仁宗天聖三年夏觀南御莊刈麥仁宗皇祐五年後苑寶政殿刈麥謂輔臣曰朕新作

此殿不欲植花歲以種麥庶知穡事不易也自是幸觀穀麥惟就後苑

薦新之禮夏五月嘗麥配以雉秋季月嘗蕎麥樂志端拱初諸州麥兩穗三穗者連歲來上有司請以爲瑞麥之曲薦於朝會用之張錫傳張錫福州閩縣人梁末劉君鐸任棣州刺史

辟爲軍事判官棣爲郡之屬郡郡有勅務郡以牙將主之頗橫恣民有犯勅三斤牙將欲寘於死君鐸力不能救既而牙將盜麥百斛私造勅事覺錫判曰勑犯三斤求生不克麥盜百斛免死誠難時郡吏以使府牙將乞免錫不允固寘於法

宗室傳魏惠憲王悅判明州帳屬邑田租以贍學得兩岐麥圖以獻帝復賜手詔曰汝勸課藝植農不游惰宜獲瑞麥之應加悅荆南集慶軍節度使行江陵尹尋改永興成德軍節度使揚州牧

冷齋夜話范文正公在睢陽遺堯夫於姑蘇取麥五百斛堯夫時尚少既還舟次丹陽見石曼卿問寄此久近曼卿曰兩月矣三喪在淺土欲葬之西北歸無可與謀者堯夫以所載舟付之單騎自長蘆捷徑而去到家拜起侍立良久文正曰東吳見故舊乎曰曼卿爲三喪未舉而滯丹陽時無郭元振莫可告者文正曰何不以麥舟付之堯夫曰已付之矣

丹鉛錄范文正公安撫江淮進民間所食烏昧草乞宣示六宮傳諸戚里以押奢侈烏昧草即今之野燕麥淮南謂麥曰昧故史從音爲文

燕麥澳南諾益一路有之土人以爲朝夕常食非虛名也

東坡志林江湖間有鳥鳴於四五月其聲若云麥熟即快活今年二麥如雲此鳥不妄語也

東坡詩註今大內富麥熟時以黃羅帕封賜百官其外題曰鈔或云以蜜漬食尤佳

墨莊漫錄蔡元度魯公在位錫賚無窮而用度亦廣京師感慈寺修浮圖題三千緡時有吳鍊師者丹陽

人辟穀修養館於西園菴中後有隙地吳勸令時麥既穫頗厭煩藉公見之題詩於菴曰塔綠便拾三千貫月俸無輪一萬緡却向西園課小麥耄耄來顛倒是愁人

洞微志齊州有人病狂云夢中見紅裳女子引入宮殿中小姑令歌每日遂歌云五靈樓閣曉玲瓏天府由來是此中惆悵悶懷言不盡一丸蘿蔔火吾宮有一道士云此犯大麥毒也少女心神小姑脾神醫經言蘿蔔制毒故曰火吾宮火者毀也遂以菜并蘿蔔治之果愈

金史熙宗本紀皇統三年五月丁巳朔京兆進瑞麥六月庚辰太原路進舞身并瑞麥

五行志宣宗興定元年四月陳州商水縣進瑞麥一莖四穗開封府進瑞麥一莖三穗二莖四穗

元史五行志至元七年夏東平府進瑞麥一莖五穗十一年興元鳳州進麥一莖七穗

十八年八月壬寅瓜州屯田進瑞麥一莖五穗二十三年五月廣元路開中麥秀兩岐

二十四年八月濬州進瑞麥一莖五穗至元四年五月彰德臨漳縣麥秀兩岐有三穗者

至正十年彰德路穀麥雙穗二十六年五月洛陽縣康家莊有瑞麥一莖五穗雙穗三穗者甚衆

王磐傳王磐字文炳廣平末年人世業農歲得麥萬石鄉人號萬石王家

江寧府志吳元年五月句容麥生一莖兩穗宣城縣志洪武二年四月宣城產瑞麥

淮安府志洪武二年四月淮安獻瑞麥羣臣表賀丹陽縣志洪武三年丹陽孫宗彝田名千石墟產瑞麥一莖五穗

深陽縣志明洪武初嘉竹瑞麥生湧幢小品洪武初一儒赴召太祖問曰習何經曰業

農太祖曰汝知麥禾之節不同乎對曰禾三節麥四節禾播種于春至秋而穫凡歷三時故三節麥則歷四時始成故四節太祖曰是能知稼穡者即擢某州知州

水蘭國有二寸之麥重慶府志洪武十三年安居龍化山麥秀二本二岐陝西通志永樂三年寧夏產兩岐麥數莖

南陽縣志明永樂五年南陽產瑞麥兩岐是年大有新野縣志永樂五年夏五月產瑞麥多兩岐或有五岐者是歲大有年

西安府志宣德中嘉麥生茂陵一莖九穗茂州志宣德間茂州知州陳敏獻瑞麥兩岐至九岐者百餘本宣宗皇帝御製滿庭芳詞并綵緞鈔錠以賜陳敏

新野縣志宣德四年麥秀兩岐崇明縣志正統五年瑞麥一本有三穗者

鶴慶府志景泰五年達密鄉瑞麥一莖數穗知府王珉以獻

歙縣志天順元年郡境有瑞麥休寧縣志天順元年潤橋田間麥一莖四穗者一本一莖兩穗者四十五本知縣王謙呈送本府知府孫遇函進以聞

大名府志天順五年夏麥有兩岐者

固始縣志成化三年產瑞麥

常熟縣志成化八年麥秀兩岐

漢中府志成化十二年麥生二穗

永昌府志成化十四年夏膠衛學官產麥一穗三岐

淮安府志成化十七年睢寧李家莊麥有一莖三穗

者越二年癸卯水南義陳二莊麥有一莖三穗者

吳縣志成化二十年甲辰四月縣境產瑞麥

徐州志弘治元年仁壽鄉麥一莖四穗二本一莖三

穗五本一莖兩穗六本

鄧州志弘治六年產瑞麥

常熟縣志弘治十年麥秀兩岐

金壇縣志弘治十四年四月生瑞麥一莖兩穗岳陽

村九盛

貴溪縣志弘治十四年辛酉十月雨麥

丹陽縣志弘治十五年丹陽延陵鎮麥一莖兩穗

寶應縣志弘治十七年產瑞麥有雙岐三岐四岐五

岐者

陝西通志弘治十八年臨洮府金縣瑞麥有一莖兩

穗者十餘本

嘉定縣志正德二年丁卯南郊麥秀三岐邑民楊璣

獻百穗於郡守

松江府志正德五年夏麥多岐穗

上海縣志正德五年庚午麥生數岐者甚多

江陰縣志正德七年均山鄉麥秀兩岐

溫州府志正德七年樂清瑞應鄉麥一本五六穗或

三四穗

太和縣志正德十三年戊寅麥秀兩岐百餘莖

泉州府志正德十三年南安縣麥一莖兩穗同安縣

麥一莖五穗

新野縣志正德十三年三月邑西石灘天雨粟麥

週圍十餘里是歲其地大稔

崇明縣志正德十五年十一月二麥穎

江陰縣志正德十五年冬麥抱穗而華

六合縣志正德十六年麥有兩穗

蒙城縣志正德十六年麥秀二岐

穎上縣志嘉靖癸未麥秀三穎或五穎

永豐縣志嘉靖癸未春麥大登間有一莖兩岐者

鎮平縣志嘉靖四年夏麥一莖二岐甚有四五岐

潯縣志嘉靖四年潯麥穗兩岐

新野縣志嘉靖八年麥秀兩岐

商州志嘉靖八年大有麥本有三穗或五穗者

漢中府志嘉靖十一年褒城麥秀五岐

固始縣志嘉靖十五年大有年麥秀兩岐

金壇縣志嘉靖十六年四月生瑞麥一莖三穗者一

本一莖兩穗者尤多

虹縣志嘉靖戊戌夏耕麥一莖兩穗間有二四穗者

本年斗麥十錢

新安縣志嘉靖十八年夏四月新安產瑞麥一莖八

九岐

五河縣志嘉靖十八年本境產瑞麥有一莖三四穗

者

河陽縣志嘉靖二十年四月產瑞麥一本三岐

虹縣志嘉靖壬寅錢千文耕麥十四斛大麥三十斛

睢寧縣志嘉靖二十三年麥有一莖三岐者歲大熟

永平府志嘉靖二十五年昌黎麥二岐

鹽城縣志嘉靖二十七年董家橋產麥穗雙岐其年

大熟

永昌府志嘉靖三十二年四月保山縣南郊產麥一

本三岐上復爲一穗

鄧州志嘉靖三十四年夏鄧州產瑞麥

興化縣志嘉靖三十五年仰止祠生雙穗麥二本

永壽縣志嘉靖三十六年夏麥雙岐

蘭谿縣志嘉靖三十九年三十四都徐環家產瑞麥

六穗者一本五穗者二本四穗者二本三穗者四本

二穗者甚多

大理府志嘉靖四十一年五井提學司界麥秀兩岐

或三岐

虹縣志嘉靖癸亥小曲里地大麥一莖三五穗者不

計數

秦興縣志隆慶元年麥二岐

松江府志隆慶二年冬十月雷電桃李花麥秀梅杏

實

宿遷縣志隆慶己巳山東益都宋公伯華來知縣事

政尚寬和明年田間麥秀有一本四岐至五岐者

霍丘縣志隆慶四年五月城南麥秀兩岐

六合縣志萬曆二年產瑞麥西里民獻麥兩穗

虹縣志萬曆甲戌草溝集地大麥一莖四五穗陡門

村地亦有之

宿遷縣志萬曆三年四月二十八日知縣喻文偉勘

荒至峒晤地方鄉者餘餞等十數畝各持雙岐麥望